

ՀԱՅԱՍՏԱՆԻ ԳՅՈՒՂԱՑԻՈՒԹՅԱՆ ԿԱԶՄՈՒՄ ԿԱՏԱՐՎԱԾ ՏՆՂԱՇԱՐԺԵՐԸ 1960—1978 ԹԹ.

ՎԼԱԴԻՄ ԼՈՒԿՈՐՅԱՆ

Արդի փուլում, ինչպես ամբողջությամբ վերցրած սովետական հասարակության, այնպես էլ նրա բազադրամասը կազմող գյուղական բնակչության սոցիալ-դասակարգային կառուցվածքի բնորոշ հատկանիշը նրա հարաշարժությունն է։ Լեւոնից առաջ ուշադրության է արժանի այն փաստը, որ բանվոր դասակարգի և մտավորականության տեսակարար կշռի բարձրացման հաշվին գյուղական, հետևաբար նաև ամբողջ բնակչության մեջ կրճատվում է գյուղացիության բաժինը¹։ Ինչ երևույթը նկատելի է ինչպես ամբողջությամբ վերցրած ՍՍՀՄ-ում, այնպես էլ միութենական բոլոր հանրապետություններում։ Ընդ որում, կոլտնտեսային գյուղացիության կրճատման պրոցեսը մեր հանրապետությունում ավելի արագ է ընթանում, քան ամբողջ երկրում, չնայած ՀՍՍՀ-ում գյուղական բնակչության սեփական վերարտադրության տեմպերն անհամեմատ բարձր են, և ամբողջ բնակչության մեջ գյուղաբնակների բաժնի նվազումն ամենևին չի ուղեկցվում գյուղական բնակչության թվազազմի կրճատմամբ, ինչպես այդ տեղի է ունենում ընդհանուր առմամբ Միության մեջ։ Թվելին, Հայաստանում արդի փուլում ևս գյուղական բնակչությունը շարունակում է աճել։ Այսպես, 1960—1979 թթ. նրա թվաքանակը 907 հազարից հասավ 1038 հազարի կամ աճեց ավելի քան 11%-ով²։ Ուստի, եթե ամբողջությամբ վերցրած ՍՍՀՄ-ում միգրացիայի հետևանքով գյուղական բնակչության թվաքանակի նվազման պայմաններում անխուսափելիորեն կրճատվում է նաև կոլտնտեսային գյուղացիությունը (եթե բացառենք անգամ կոլտնտեսությունների սովխոզացումը, որի հետևանքով գյուղացիությունը զանգվածորեն համալրում է բանվոր դասակարգի

1 Վերակազմակերպության տեղեկագրերում գյուղացիության դասակարգի մեջ կոլտնտեսային մտավորականության մտցնելը շփոթություն է առաջացնում զուտ գյուղացիության (որպես դասակարգի) կազմում կատարված քանակական և որակական փոփոխությունները վերլուծելիս։ Ուստի, փաստերի աղավաղումից խուսափելու նպատակով հարմար զտանք նեղ կտրվածքով (կոլտնտեսային աշխատանքներին մասնակցող գյուղացիների տարեկան միջին թիվը) կոլտնտեսային գյուղացիության կազմի փոփոխություններին անդրադառնալիս օգտվել պաշտոնական վիճակագրական տեղեկագրերում նշված կոլտնտեսային աշխատանքներում ընդգրկված կոլտնտեսականների թվաքանակի մասին եղած տվյալներից. դրանից հանելով կոլտնտեսային մտավորականությանը, իսկ ինչպե՞ս էլ վարվում ենք կոլտնտեսային ամբողջ գյուղացիության (աշխատող գյուղացիները՝ իրենց ընտանիքի ոչ աշխատունակ անդամներով) կազմն ուսումնասիրելիս՝ գյուղացու (որպես դասակարգի ներկայացուցչի) ընտանիքի անդամների թիվը պայմանականորեն նվաստացնելով կոլտնտեսային մտավորականի ընտանիքի անդամների թվին։

2 «Народное хозяйство Армянской ССР в 1977 году», Ереван, 1978, с. 7; «Правда», 22 IV 1979

ազրարային ջոկատի շարքերը), ապա մեր հանրապետության համար միգրացիան թեև նպաստում է, սակայն կոլտնտեսային գյուղացիության թվականի կրճատման որոշիչ գործոն չէ, քանի որ, ինչպես տեսանք, ՀՍՍՀ-ում գյուղական ամբողջ բնակչությունը շարունակում է աճել:

1960—70-ական թվականներին մեր հանրապետության կոլտնտեսային գյուղացիության թվականի նվազումն ամենից առաջ բացատրվում է մեծ թվով կոլտնտեսությունների սովխոզների վերակազմելով: Դրա շնորհիվ կոլտնտեսային գյուղացին արդեն համաժողովրդական սեփականության սյամաններում մեխանիկորեն վերափոխվում է բանվորի, ի դեպ, սովխոզացման պրոցեսը Հայաստանում ավելի արագ է ընթանում, քան Միության մեջ ամբողջությամբ վերցրած: Այսպես, 1960—1977 թթ. Հայկական ՍՍՀ-ում կոլտնտեսությունների թիվը 760-ից իջավ 317-ի կամ կրճատվեց 2,4 անգամ, իսկ ՍՍՀՄ-ում 44,9 հազարից հասավ 27,1 հազարի՝ նվազելով միայն 1,7 անգամ³:

Այժմ կոնկրետ փաստերով անդրադառնանք հանրապետության կոլտնտեսային գյուղացիության կազմում կատարված քանակական փոփոխություններին:

1960—1977 թթ. ՀՍՍՀ-ի կոլտնտեսային գյուղացիության թվաքանակը (կոլտնտեսային աշխատանքներում ընդգրկված գյուղացիները՝ իրենց ընտանիքի անդամներով) 722 հազարից իջավ 384 հազարի կամ կրճատվեց շուրջ 47%-ով⁴: Նույն ժամանակաշրջանում կոլտնտեսային աշխատանքներում զբաղված գյուղացիության տարեկան միջին թվաքանակը նվազեց ավելի քան 2 անգամ՝ 161,5 հազարից իջնելով 79 հազարի⁵:

Ինչպես կարելի է նկատել, կոլտնտեսային աշխատանքներում զբաղված գյուղացիության թվաքանակն ավելի արագ նվազեց, քան ամբողջ գյուղացիներին (այն կտրվածքով): Դրա հետևանքով իջավ կոլտնտեսային արտադրության մեջ զբաղված աշխատողների տեսակարար կշիռը՝ կոլտնտեսության անդամ գյուղացիների կազմում: Եթե 1960 թ. կոլտնտեսային աշխատանքներում ընդգրկված գյուղացիների բաժինը կազմում էր կոլտնտեսության անդամ գյուղացիների (անկախ կոլտնտեսային աշխատանքներում մասնակցություն ունենալուց) 44%-ը, ապա 1977 թ.՝ միայն 38%-ը⁶:

Չնայած ցուցաբերող կրճատման նշաններին, Սովետական Հայաստանի կոլտնտեսային արտադրության մեջ գյուղացիների զբաղվածության տոկոսը բարձր է Միության միջինից: Եթե հաշվի առնենք մեր հանրապետության ծայրաստիճան սակավահողությունը, ապա թվում է, թե սլաոկները պետք է

³ «Народное хозяйство СССР в 1960 году», М., 1961, с. 492; «Народное хозяйство СССР в 1978 году», М., 1979, с. 261; «Народное хозяйство Армянской ССР в 1977 году», с. 107.

⁴ ՀՍՍՀ ԿՎՎ գյուղատնտեսության վիճակագրության բաժին, կոլտնտեսությունների 1960 և 1977 թթ. տարեկան աշխատությունների ամփոփագրեր, էջ 1—3.

⁵ «Народное хозяйство Армянской ССР в 1977 году», с. 107. Գյուղացիության թվաքանակը ստացել ենք զբաղված ամբողջ կոլտնտեսականների կազմից կոլտնտեսային մտավորականությանը հանելու միջոցով:

⁶ «Народное хозяйство Армянской ССР в 1977 году», с. 107, 118. ՀՍՍՀ ԿՎՎ գյուղատնտեսության վիճակագրության բաժին, կոլտնտեսությունների 1960 և 1977 թթ. տարեկան աշխատությունների ամփոփագրեր, աշխարհները մերն են:

Նախառակր իններու Սակայն դա այդպէս չէ: Ցանկացած արտադրութեան մեջ դրադվածութեան աստիճանը որոշվում է ոչ թէ աշխատանքի ստարկայի չափով (օրինակ, գյուղատնտեսութեան մեջ՝ հողատարածութեամբ), այլ արտադրութեան սպեցիֆիկ առանձնահատկութիւններով և միջոցների կատարելագործվածութեան մակարդակով: Կոնկրետ, Հայկական ՍՍՀ-ի լեռնային դիրքի, գյուղատնտեսութեան ճյուղային բաղադրանքի և դրանց մեքենայացման համեմատաբար ցածր աստիճանի հետեանքով արտադրութեան շատ ճյուղեր մնում են խիստ աշխատատար և հատկապէս գյուղատնտեսական աշխատանքների լարված պահերին պահանջում են մեծ չափով բանվորական ուժ, հետեաբար և գյուղացիութեան դրադվածութեան անհամեմատ բարձր մակարդակ:

Ըիմամանակ, տրամաբանական է, որ գյուղատնտեսական արտադրութեան աշխատատար բնույթն իր հերթին հղի է բանվորական ուժի առաջացման մեծ հնարավորութիւններով, որը դիտատեսիոնական առաջադիմութեան ազդեցութեան ներքո վեր է ածվում արդեն «ավելցուկ» ուժի: Դա անխուսափելի է դարձնում գյուղատնտեսութիւնից բնակչութեան մի մասի տեղափոխումն արտադրութեան այլ ճյուղեր: Այդ է պատճառը, որ կոլտնտեսային աշխատանքներում գրադված գյուղացիութեան տեսակարար կշռի նվազումն ուղեկցվում է ինչպէս ղեպի բաղադր գյուղացիների արտահոսքի ուժեղացումով, այնպէս էլ՝ կոլտնտեսային գյուղում ապրող, բայց գյուղատնտեսական արտադրութեան մեջ չգտնվող աշխատողների բաժնի աճով: Օրինակ, Եթե արդյունաբերութեան մեջ, տրանսպորտում, միջտնտեսային միավորումներում և այլ ճյուղերում աշխատանքի անցած, բայց կոլտնտեսութեան անդամ աշխատողները 1960 թ. կազմում էին կոլտնտեսութիւնների աշխատունակ բնակչութեան 13%-ը, ապա 1977 թ.՝ 20%-ը¹:

Ընդհանրացնելով գյուղացիութեան կազմում տեղի ունեցող բանական ժողովրդագրութիւնները, հարկ է նշել, որ ընայած նրա թվաքանակի կրճատմանը, կոլտնտեսային գյուղացիութիւնը եղել և մնում է մեր երկրի հիմնական հասարակական խմբերից մեկը: Որպէս այդպիսին, նա բանվոր դասակարգի և մտավորականութեան նման անընդհատ համալրում է իր շարքերը: Զարգացած սոցիալիզմի շեմին այդպիսի կարևոր համալրում դարձավ 1958 թ. մեքենատրակտորային կայանների (ՄՏԿ) վերականգնման հետեանքով բանվոր դասակարգի մի ստվար ջոկատի անդամագրվելը կոլտնտեսային գյուղացիութեանը: Գյուղացիութեան կազմը լրացնում են նաև գյուղ վերադարձող նախկին համագյուղացիների մի մասը, պրոֆտեխնիկական և տեխնիկական կրթութիւն ստացած որոշ երիտասարդներ: Սակայն համալրման վերջին աղբյուրներն առատ չեն և գերազանցապէս դիպվածային բնույթ ունեն: Այդ իսկ պատճառով, ի տարբերութիւն մյուս հասարակական խմբերի, կոլտնտեսային գյուղացիութեան համալրումն ընթանում է հիմնականում իր ներքին վերարտադրութեան հաշվին: Սակայն համալրման գրեթե այդ եղակի աղբյուրը չի ապահովում գյուղացիութեան թվական աճ (ինչպէս դա տեղի է ունենում համեմատաբար ցածր վերարտադրութեան տեմպեր ունեցող բանվոր դասակարգի և մտավորականութեան կազմում), քանի որ

¹ Տե՛ս ՀՍՍՀ Կով բնթացիկ արխիվի նյութերը:

այդ դասակարգի թվակազմը փոքրանում է գլխավորապես մեծ թվով կուտնտեսությունները սովխոզների վերակազմելու հետևանքով:

Կուտնտեսային գյուղացիության թվաքանակի նվազմանը զուգընթաց նրա կազմում կատարվում են նաև որակական փոփոխություններ: Գյուղի ինդուստրացումը, սպասարկման, կուլտուր-կենցաղային ոլորտների ընդլայնումը, բնակչության կրթական մակարդակի աճը և նյութական բարեկեցության բարձրացումն ակտիվ ներգործություն են ունենում կուտնտեսային գյուղացիության սոցիալական կառուցվածքի վրա՝ առաջ բերելով բարձրորակ աշխատանք կատարող գյուղացիների տեսակարար կշռի աճ: Եվ եթե սոցիալիստական շինարարության նախորդ փուլերում կուտնտեսային գյուղացիության ճնշող մեծամասնությունը կատարում էր պարզունակ աշխատանքային գործիքների վրա հենված «ունիվերսալ» աշխատանք, և կուլտնտեսությունների տարեկան հաշվետվությունների ձևերով հնարավոր է առանձնացնել միայն աշխատողների երկու խմբեր՝ արտադրության ղեկավարներին ու կազմակերպիչներին (որոնք սոցիալական պատկանելությամբ գյուղացիներ չեն) և «մնացած» կուտնտեսականներին, ապա այժմ կուտնտեսային գյուղացիությունը ներկայանում է բանվոր դասակարգի ագրարային ջուկատին բնորոշ հիմնական ներդասակարգային խավերով և խմբերով:

Ինչպես նշվեց ՍՄԿԿ XXVI համագումարում, «Գյուղատնտեսության արտադրության ինդուստրացման համեմատ խոր փոփոխություններ են տեղի ունենում կուտնտեսային գյուղացիության կյանքում, նրա աշխատանքն աստիճանաբար մերձենում է բանվորի աշխատանքին: Գյուղում ավելի ու ավելի են շատանում մեխանիզատորները, նորագույն տեխնիկայի հետ կապված մյուս աշխատողները»:

Ժամանակակից կուտնտեսային գյուղացիության սոցիալական և մասնագիտական շերտավորման ընդհանրության վրա ամենաակտիվ ներգործություն ունեցավ ՄՏԿ-ների վերակառուցման և նորոգման տեխնիկական կայանների (ՆՏԿ) ստեղծման վերաբերյալ ՍՄԿԿ Կենտկոմի 1958 թ. փետրվարյան պլենումի որոշումը: Ինչպես նշվեց պլենումում, ՄՏԿ-ները դարձել էին ավելորդ օղակ և փաստորեն վեր էին ածվել վարձակալների: Ուստի, «ելնելով երկրի սոցիալիստական գյուղատնտեսության հետագա վերելքի,

Հարկ է նշել, որ գրականության մեջ ինչպես բարձրորակ, այնպես էլ միջին որակավորման և ցածրորակ աշխատանք կատարողների սոցիալական միավորները սովորաբար անվանում են ոչ թե ներդասակարգային խավեր, այլ խմբեր: Սակայն դրանք տարբեր հասկացություններ են, ընդգրկման տարբեր սահմաններով, Իրավայի է վ. Սեմյոնովը, նոր սոցիալական խմբերը տեղադրում է ներդասակարգային խավերի կազմում, գտնելով, որ եթե դասակարգը սոցիալական բաժանման բարձր աստիճանն է, խավը միջին, ապա խումբը՝ նախնական, ստորին մակարդակն է (В. С. Семенов. Диалектика развития социальной структуры советского общества. М., 1977, с. 62): Այսինքն, դասակարգի մաս կազմող խավի և սոցիալական խմբի տարբերություններն այն են, որ երկրորդը ներդասակարգային բաժանման հետագա արդյունք է: Այդ իսկ պատճառով նա ուղղակիորեն մտնում է ոչ թե դասակարգի, այլ ներդասակարգային խավի մեջ: Ասել է՝ թե բարձրորակ աշխատանքում զբաղված աշխատողները՝ սոցիալական կատեգորիան ոչ թե խումբ է, այլ ներդասակարգային խավ, իսկ նրա կազմում ընդգրկված սոցիալական միավորները (մեխանիկատորները և այլն) խմբեր կամ ներխավային ջուկատներ են:

կոլտնտեսային կարգի դարգացման շահերից, նույնատեղաշարժար է փոխել կոլտնտեսությունների արտադրատեսիլական սպասարկման գոյություն ունեցող կարգը և աստիճանաբար վերակառուցել ՄՏ կայանները, որոնք... արդեն շատ բանով սպառել են իրենց փունկցիաները»¹⁰:

Հիմք ընդունելով այդ որոշումը, ՀԿԿ Կենտկոմը և ՀՍՍՀ Մինիստրներին խորհուրդը 1958 թ. ապրիլի 25-ին որոշում ընդունեցին՝ հանրապետությունում ՄՏԿ-ները ՆՏԿ-ների վերակառուցելու մասին: Այդ որոշմամբ Հայաստանում եղած 52 ՄՏԿ-ները վերակազմվեցին և դրանց բաղադրյալ վրա կազմակերպվեցին 28 ՆՏԿ-ներ, իսկ ՄՏԿ-ների տեսիլական արտոնյալ գներով վաճառվեց կոլտնտեսություններին: Մինչև 1958 թ. նոյեմբերը հանրապետության կոլտնտեսությունները դնեցին 63,9 մլն ռուբլու (գների հին մասշտաբով) գյուղատնտեսական մեքենաներ¹¹: Միաժամանակ, կոլտնտեսային գյուղացիությունը համարվեց ՄՏԿ-ների մեխանիզատորներով. կարճ ժամանակաընթացքում կոլտնտեսություններում մշտական աշխատանքի տեղափոխվեցին ավելի քան 4.000 տրակտորիստներ, կոմբայնավարներ և գյուղատնտեսական այլ մասնագետներ¹², որոնք մինչ այդ ներկայացնում էին բանվոր դասակարգի ագրարային ջոկատը: Սոցիալ-քաղաքական կարևոր նշանակություն ունեցող այդ միջոցառման շնորհիվ կոլտնտեսային գյուղացիության կազմում հանդես եկավ որակապես նոր սոցիալական խումբ:

Մեխանիզատորների ամրացումը կոլտնտեսություններին, ինչպես և որևէ հաջորդած կոլտնտեսային արտադրության հետագա տեսիլական վերադիմումը, էլեկտրիֆիկացիան և այլ միջոցառումներ որակական նոր տեղաշարժեր առաջացրին կոլտնտեսային գյուղացիության սոցիալական կառուցվածքում: Գյուղացիությունը, որը մինչ այդ սոցիալ-կառուցվածքային տեսակետից գրեթե միատարր էր, դարձավ սոցիալական շերտավորված հանրույթ: Նրա կազմում երևան եկան բոլորովին նոր մասնագիտական խմբեր՝ ապարատավարներ, օպերատորներ, ավտոմատավարներ և այլն: Միաժամանակ տարբեր խավերի և խմբերի միջև առաջացան սահմանային սոցիալական և մասնագիտական շերտեր: Այլ կերպ ասած, զարգացած սոցիալիզմի պայմաններում կոլտնտեսային գյուղացիության կազմում դիտվում են նույն օրինաչափությունները, ինչ ագրարային բանվորների սոցիալական կառուցվածքում: Կոլտնտեսություններում (ինչպես և սովխոզներում) զլխավոր և հեռանկարային սոցիալական միավորը դարձավ բարձր որակավորում ունեցող աշխատողների խավը (մեխանիզատորներ, խառատներ, ապարատավարներ և այլն), որն աշխատանքի բնույթով և բովանդակությամբ մերձենում է բանվոր դասակարգի բարձրորակ խմբերին:

Ներդասակարգային այդ խավի միջուկը մեխանիզատորների խումբն է, որի քանակական և որակական կազմը ենթարկվեց որոշակի փոփոխությունների: Ամենից առաջ բարձրացավ նրա բաժինը գյուղացիության կազմում: Այսպես, 1960—1977 թթ. կոլտնտեսային աշխատանքներում զբաղված գյուղացիների տարեկան միջին թվաքանակում տրակտորիստ-մեքենավարների, տրակտորիստ-կոմբայնավարների և վարորդների տեսակարար կշիռը

¹⁰ «ՍՄԿԿ ԿԿ 1958 թ. փետրվարյան պլենումի նյութերը», Երևան, 1958, էջ 10:

¹¹ ՄԼԻ նախական մասնաճյուղի կուսարխիվ, ֆ. 1, ց. 83, գ. 135, թ. 85:

¹² Տե՛ս «Հայաստանի մոդերնիզացիայի տնտեսությունը, 1959, N 2, էջ 65:

5,4%-ից հասավ շուրջ 9-ի՝ ընդհուպ մոտենալով սովխոզների մեխանիզատորների համապատասխան ցուցանիշին¹³։ Իմ եթե 1960 թ. միջին հաշվով մեկ կոլտնտեսությունն ուներ 6,3 տրակտորիստ-մեքենավար և տրակտորիստ-կոմբայնավար ու 5 վարորդ, ապա 1977 թ. համապատասխանորեն 11,7 և 10,7¹⁴։

Սակայն, չնայած առաջընթացին, հանրապետության գյուղացիության (ինչպես և ագրարային բանվորների) կազմում մեխանիզատորների բաժինը զգալի ցածր էր միութենական միջինից։ Բավական է նշել, որ 1977 թ. ամբողջությամբ վերցրած այն չհասավ ՍՍՀՄ-ի անգամ 1965 թ. մակարդակին։ Միաժամանակ մեխանիզատորների բաժնի շոշափելի մեծացումը չուղեկցվեց նրանց բացարձակ աճով։ Ավելին, հիշյալ ժամանակահատվածում Հայաստանի կոլտնտեսային մեխանիզատորների թվաքանակը 8,7 հազարից իջավ մինչև 7,1 հազարի կամ կրճատվեց 18,4%-ով¹⁵։ Մինչդեռ ամբողջ երկրում նկատվեց հակառակ օրինաչափությունը։

ՀՍՍՀ-ի կոլտնտեսային (նաև սովխոզային) մեխանիզատորների համեմատաբար ցածր տեսակարար կշիռը բացատրվում է հանրապետության գյուղատնտեսական մասնագիտացմանը հատուկ մշակվող կուլտուրաների մեքենայացման հնարավորությունների սահմանափակությամբ, ռելիեֆային կտրտվածությամբ, կադրերի հոսունությամբ և այլն։ Բնականաբար, նշված հանգամանքները կարող են միայն դանդաղեցնել և ոչ թե կասեցնել կամ կրճատել մեխանիզատորների թվական աճը։ Բայց ինչպես տեսանք վերևում, Հայկական ՍՍՀ-ի կոլտնտեսություններում արձանագրվեց հենց վերջին փաստը։ Դա բացատրվում է ամբողջ Միության համեմատությամբ Հայաստանում կոլտնտեսությունները սովխոզների վերածվելու ինտենսիֆիկացիայի և որպես դրա արդյունք՝ կոլտնտեսային գյուղացիության առավել արագ տեմպերով նվազմամբ։ Այսպես, հանրապետության կոլտնտեսություններում զբաղված գյուղացիության տարեկան միջին թվաքանակը 1960—1977 թթ. կրճատվեց ավելի քան 50%-ով՝ ՍՍՀՄ-ի 24%-ի դիմաց¹⁶։ Ինչպես կարելի է նկատել, ՀՍՍՀ-ի կոլտնտեսային գյուղացիության թվաքանակն ավելի արագ նվազեց, քան նրա կազմում աճեց մեխանիզատորների տեսակարար կշիռը։ Իրանով ինքնին հասկանալի է դառնում կոլտնտեսային մեխանիզատորների թվաքանակի կրճատման երևույթը։ Ի դեպ, տարբեր մասնագիտությունների տեր մեխանիզատորների թվակազմը նույն համամասնությամբ չնվազեց։ Ի՞նչ տրակտորիստ-կոմբայնավարների և տրակտորիստ-մեքենավարների բացարձակ թվաքանակը 1960—1977 թթ. ամբողջ մեխանիզատորների նշված 18,4%-ի դիմաց կրճատվեց 24,5%-ով, ապա վարորդներինը նվազեց աննշան չափով, իսկ 1978 թ. անգամ հասավ 1960 թ. մակարդակին¹⁷։

¹³ «Народное хозяйство Армянской ССР в 1977 году», с. 107, 118, 120 (հաշվարկները մերն են)։

¹⁴ Նույն տեղում, էջ 107, 120։

¹⁵ «Народное хозяйство Армянской ССР в 1977 году», с. 120։

¹⁶ «Народное хозяйство СССР в 1960 году», с. 522; «Народное хозяйство СССР в 1978 году», с. 261; «Народное хозяйство Армянской ССР в 1977 году», с. 107, 118 (հաշվարկները մերն են)։

¹⁷ «Народное хозяйство Армянской ССР в 1977 году», с. 120։

նկատներ նաև, որ կոլտնտեսային տրակտորիստների թվակազմի ակնհայտ կրճատումն ուղեկցվում է կոլտնտեսություններում տրակտորների թվի շոշափելի ավելացմամբ: Օրինակ, նշված ժամանակաշրջանում ՀՍՍՀ-ի կոլտնտեսություններում տրակտորիստների (ներառյալ տրակտորիստ-մեքենավարները և տրակտորիստ-կոմբայնավարները) թվաքանակը նվազեց 1,2 հազարով, իսկ տրակտորների թիվն ավելացավ ավելի քան 0,7 հազարով¹⁸: Տեխնիկայի և կադրերի թվաքանակի այս հակադարձ փոփոխությունների հետևանքով գյուղում գնալով զգացվում է տրակտորիստների խիստ կարիք: Այսօր էտալոնային տրակտորին չի հասնում անգամ մեկ տրակտորիստ: Վիճակը գրեթե նույնն է ամբողջությամբ վերցրած ՍՍՀՄ-ում: Նման պայմաններում խոսք լինել չի կարող տեխնիկայի ռացիոնալ օգտագործման և երկհերթ աշխատանքների կազմակերպման մասին:

Տրակտորիստ-մեքենավարների և տրակտորիստ-կոմբայնավարների թվաքանակի ինտենսիվ կրճատումը բացատրվում է հետևյալ պատճառներով: Նախ, այդ մասնագետների աշխատանքային ոչ նորմալ պայմանների (աշխատանքի սեզոնային բնույթը, սանիտարահիգիենիկ պայմանները և այլն) հետևանքով նրանց մոտ բավական ուժեղ է հոստունությունը: Երկրորդ, մասնագիտության բերումով նրանք առավել հաշտությամբ են կարողանում զուգակցել հարակից մասնագիտություններ, որի շնորհիվ տեղի է ունենում տարբեր մասնագիտությունների համատեղում: Օրինակ, կոմբայնավարի մասնագիտությունը տրակտորիստի կողմից յուրացվելու շնորհիվ կտրուկ կրճատվեց կոմբայնավարների քանակը: Ինչ վերաբերվում է վարորդների քանակական կայունությանը, ապա դա բացատրվում է ինչպես նրանց աշխատանքային համեմատաբար բավարար պայմաններով, այնպես էլ աշխատանքի ոչ սեզոնային բնույթով և բարձր աշխատավարձով:

Քանակական փոփոխություններին զուգահեռ մեխանիզատորների կազմում կատարվել են նաև որակական մեծ տեղաշարժեր: Ամենից առաջ ընդլայնվել են մեխանիզատորական մասնագիտությունների շրջանակները: Բացի տրակտորիստներից, վարորդներից ու կոմբայնավարներից (որոնք գյուղում գործում էին նաև սոցիալիստական շինարարության նախորդ փուլերում) արդի ժամանակաշրջանում գիտատեխնիկական նվաճումների ազդեցության տակ ելևան են եկել մեխանիզատոր-անասնապահների, ոռոգման համակարգերի մեխանիզատորների, թռչնաֆաբրիկաների կառավարման կետերի մեքենավարների և այլ մասնագիտական հնթախմբեր: Միաժամանակ այսօրվա տրակտորիստը կամ վարորդը իր նախորդին գերազանցում է նաև որակավորման մակարդակով: Եթե ոչ հեռու անցյալում նշված մասնագետների մեծ մասն ուներ համեմատաբար ցածր կարգի որակավորում, ապա 1977 թ. ապրիլի 1-ի դրությամբ հանրապետության կոլտնտեսություններում տրակտորիստ-մեքենավարների և տրակտորիստ-կոմբայնավարների շուրջ 65 և վարորդների 59%-ը ուներ 1-ին և 2-րդ կարգի որակավորում¹⁹: Առանձին շրջաններում այդ ցուցանիշներն ավելի բարձր են: Օրինակ, նույն թվականի տվյալներով, Մարտունու շրջանի կոլտնտեսություններում տրակտորիստ-

¹⁸ Նույն տեղում, էջ 108, 120:

¹⁹ Տե՛ս ՀՍՍՀ ԿՎՎ քննադիմի նյութերը:

կոմբայնավարների և տրակտորիստ-մեքենավարների 81, իսկ Լճաստայի և Ախուրյանի շրջաններում՝ համապատասխանորեն 87 և 88%-ը ունենին 1-ին և 2-րդ կարգի որակավորում²⁰:

Մեխանիզատորների որակավորման մակարդակի որոշման գործունեության մեկն էլ տվյալ մասնագիտությամբ աշխատելու ստաժն է: ՀՍՍՀ ԿՎՎ տվյալներով՝ 1977 թ. ապրիլի 1-ի դրությամբ կոլտնտեսությունների տրակտորիստ-մեքենավարների և տրակտորիստ-կոմբայնավարների ավելի քան 70, իսկ վարորդների շուրջ 65 %-ը տվյալ տնտեսության մեջ իրենց մասնագիտությամբ աշխատում էին 5 տարուց ոչ պակաս²¹: Ի դեպ, այդ ցուցանիշներով կոլտնտեսային մեխանիզատորները գերազանցում են սովետական համապատասխան մասնագետներին:

Ինչպես նշվեց, բարձր որակավորում ունեցող գյուղացիության կազմում երևան են եկել նաև մասնագիտական այլ խմբեր՝ ապարատավարներ, օպերատորներ, էլեկտրիկներ և այլն, որոնք, ինչ խոսք, ղեկս ուրակ չեն կազմում, սակայն գիտատեխնիկական նվաճումների հետագա արմատավորման շնորհիվ նրանց տեսակարար կշիռը, անշուշտ, կբարձրանա:

Միաժամանակ հարկ է նշել, որ ղեկս բարձր տեսակարար կշիռ ունենցած որակավորում ունեցող գյուղացիների ծիրտ է. գյուղացիության կազմում այդօրինակ աշխատանք կատարողների թվաքանակի համեմատաբար փոքր նվազման հետևանքով կրճատվեց վերջիններիս բաժինը և նկատվեց կոլտնտեսային գյուղացիության ու ագրարային բանվորների որակավորման մակարդակների համահարթման միտում, սակայն ցածր որակավորում ունեցող կամ որակավորում չունեցող աշխատողների տեսակարար կշիռը ՀՍՍՀ կոլտնտեսություններում (նաև սովետականում) բարձր է, քան ամբողջությամբ վերցրած երկրում: Դրա պատճառը դարձյալ պետք է բացատրել մեր հանրապետության ռելիեֆային կտրտվածությամբ, գյուղատնտեսության աշխատատար ճյուղերի բազմապատկանությամբ և դրանց մեքենայացման ներկայիս համեմատաբար ցածր աստիճանով, որոնք դանդաղեցնում են գյուղացիության (ինչպես և ագրարային բանվորների) կազմում ցածր որակավորում ունեցող աշխատողների տեսակարար կշիռը կրճատման ընթացքը: Բավական է նշել, որ 1960—1977 թթ. գյուղացիության կազմում այդ կատեգորիայի աշխատողների բաժինը նվազեց միայն 9 %-ով՝ 73-ից իջնելով 69 %-ի²²: Պատահական չէ, որ բարձրորակ և միջին որակավորում ունեցողների բաժնի աճը տրամաբանորեն ընթացավ դանդաղ՝ համապատասխանաբար 5 և 4 %-ով²³, այն դեպքում, երբ հանրապետությունում բավական արագ են աճում գյուղատնտեսական բանվորական կադրերի պատրաստման տեմպերը: Միայն 1971—1975 թթ. ՀՍՍՀ գյուղական պրոֆտեխնիկական ուսումնարանների թիվը 5-ից հասավ 12-ի, իսկ դրանցում սովորողների թվակազմը աճեց ավելի քան 2 անգամ²⁴: Այդ ընթացքում հանրապետությունում պատրաստվեցին

20 Նույն տեղում:

21 Նույն տեղում:

22 Նույն տեղում:

23 ՀՍՍՀ ԿՎՎ աշխատանքի և աշխատավարձի վիճակագրության բաժին, 1976 թ. զեկուցագրական և վերլուծական գրառումներ, էջ 3—4:

24 Նույն տեղում:

շուրջ 30 հազար գյուղատնտեսական բանվորական կադրեր²⁵, նկատենք, որ մեծ թվով կադրեր են պատրաստվում նաև գյուղական հանրակրթական միջնակարգ դպրոցներում, որտեղ 9—10-րդ դասարանների աշակերտները, բացի մեխանիկատրական մասնագիտություններից, յուրացնում են նաև ագրոտեխնիկայի և անասնապահության հիմունքները: Գնալով աճում է մասնագիտական վկայական ստացած շրջանավարտների թիվը, որոնց մոտ մեծանում է և գյուղատնտեսության մեջ աշխատանքի անցնելու ձգտումը: Այսպես, օրինակ, եթե 1971 թ. Թալինի շրջանի դպրոցներում համապատասխան մասնագիտություն ստացած շրջանավարտների շուրջ 16% -ն էր համարել գյուղատնտեսական աշխատողների շարքերը, ապա 1976 թ.՝ 30%-ը: Նույն երևույթը դիտվում է նաև Ախուրյանի, Արթիկի ու Արտաշատի շրջաններում՝ և պայմանավորված է, անշուշտ, այդ վայրերի միջնակարգ դպրոցներում պոլիտեխնիկական ուսուցման հիմունքների լավ դրվածքով:

Գյուղատնտեսական բանվորական կադրերի պատրաստման տեմպերը հատկապես արագացել են վերջին տարիներին: Այսպես, 1977—1978 թթ. Հայաստանում պատրաստվել են 15,4 հազար այդպիսի կադրեր: Ընդ որում, 1977 թ. համեմատությամբ 1978 թ. կադրերի պատրաստումն ավելացել է 10,5 %-ով²⁶:

Նշված օրինակները վկայում են, որ մեր հանրապետությունում գյուղատնտեսական բանվորական կադրերի պատրաստումը լայն մասշտաբներ ունի: Ուսկայն մի շարք հանգամանքներով պայմանավորված՝ այդ մասշտաբներն ամբողջությամբ չարտադրվեցին գյուղացիության սոցիալական կառուցվածքում: Հանրապետության լեռնային առանձնահատկությունները, գյուղատնտեսության աշխատատար ճյուղերի բազմազանությունը և դրանց մեքենայացման հնարավորությունների սահմանափակ լինելը, ինչպես և գյուղատնտեսությունից դեպի ոչ գյուղատնտեսական ճյուղեր երիտասարդ աշխատուժի ռուսքն էնպես արգելակում են ցածրորակ և որակավորում չունեցող գյուղացիների բաժնի օբյեկտիվ կրճատման ընթացքը: Դրանում բնավ վերջին դեր չեն խաղում նաև գյուղատնտեսական կադրերի պատրաստման գործում տեղ գտած թերությունները: Այսպես, գյուղական պրոֆտեխնիկական ուսումնարանները սովորաբար մասնագետներ են պատրաստում սահմանափակ թվով մասնագիտությունների գծով, հաճախ հաշվի չառնելով այդ մասնագիտությունների նկատմամբ առաջարկի և պահանջարկի միջև գոյություն ունեցող համամասնությունները: Ուսումնարաններում փորձնական-տեխնիկական կարողությունների սահմանափակությամբ և դասավանդողների ու վարպետների մի զգալի մասի կրթական ցածր մակարդակով պայմանավորված՝ ավարտած որոշ կադրեր ունեն անբավարար պատրաստվածություն: Պակաս թերություն չէ նաև այն, որ այդ հաստատությունների սովորողների համակազմում փոքր թիվ են կազմում աղբիկները, իսկ մեծ թվով երիտասարդներ ուսումնարաններն ավարտելուց հետո մեկնում են զինծառայության և զորացրվելուց հետո նրանց որոշ մասն օբյեկտիվ ու սուբյեկտիվ մի շարք

²⁵ Նույն տեղում:

²⁶ Տե՛ս Հայկական ՍՍՀ լուսավորության մինիստրության ընթացիկ տրիսվի նյութերը:

²⁷ ՀՍՍՀ ԿԿՎ աշխատանքի և աշխատավարձի վիճակագրության բաժին, 1979 թ. զեկուցագրական և վերլուծական գրառումներ, թ. 3:

հանգամանքների բերումով պարզապես չի ընդդրկվում գյուղատնտեսական արտադրության մեջ և գյուղում դարձյալ զգացվում է որակյալ աշխատուժի կարիք:

Հիմնական դժբերով սրանք են Հայկական ՍՍՀ-ի կոլտնտեսային գյուղացիության կազմում կատարված տեղաշարժերը, որոնց ընդհանրացումը հանգեցնում է հետևյալին: 1. Հարգացած սոցիալիզմի փուլում կոլտնտեսային գյուղացիության թվաքանակը ինտենսիվ շարունակվում է կրճատվել: Ընդ որում, շնայած հանրապետության գյուղական բնակչության աճին, այդ երևույթն այստեղ ավելի արագ է ընթանում, քան ամբողջ ՍՍՀՄ-ում: 2. Կոլտնտեսային աշխատանքներում զբաղված գյուղացիների տարեկան միջին թվաքանակն ավելի արագ է կրճատվում, քան ամբողջ գյուղացիությանը (լայն կտրվածքով): Դրան դուրսեցնում է կոլտնտեսության անդամ, բայց գյուղատնտեսական արտադրության մեջ չընդգրկված աշխատողների տեսակարար կշիռը: 3. Քանակական փոփոխություններին դուրահետ կոլտնտեսային գյուղացիության կազմում կատարվում են որակական զգալի տեղաշարժեր: Կոլտնտեսային գյուղացիությունը դուրս է գալիս սոցիալ-կառուցվածքային համապարփակ վիճակից և դառնում սոցիալական շերտավորված հանրույթ, նրա կազմում գլխավոր և հեռանկարային սոցիալական միավորն արդեն բարձրորակ աշխատանք կատարողների խավն է: 4. Կրճատվում է ցածրորակ և որակավորում չունեցող գյուղացիների անսակարար կշիռը: Սակայն մի շարք հանգամանքներով պայմանավորված՝ այդ պրոցեսն ընթանում է դանդաղ տեմպերով, որի հետևանքով ներդասակարգային այդ խավի բաժինը հանրապետության գյուղացիության կազմում մնում է բարձր:

СДВИГИ, ПРОИСШЕДШИЕ В СОСТАВЕ КРЕСТЬЯНСТВА АРМЕНИИ В 1960—1978 ГГ.

ВЛАДИК АКОПЯН

Резюме

В период развитого социализма продолжается интенсивное сокращение численности колхозного крестьянства. При этом, несмотря на общий рост сельского населения Армянской ССР, этот процесс здесь протекает более быстрыми темпами, чем в СССР в целом, что главным образом объясняется преобразованием многочисленных колхозов в совхозы. Вместе с тем, в составе колхозного крестьянства Армении главной и перспективной единицей становится слой, выполняющий высококвалифицированные виды труда, и соответственно сокращается удельный вес неквалифицированных крестьян, однако доля последних в составе крестьянства все еще остается значительной.